

læviter striatus, villosus, paululum infra calycem tumidus, ibique magis villosus. Calyx ovatus (quò à sequenti differt!) vix unciaë trientem longus, glaber. Squamæ magnæ, ovato-acuminatæ, margine membranacæ exalbidæ: inferiores (seu exteriores) minores; interiores duplo longiores sunt. Corolla parva lutea, neque extus purpurea. Petala apice quinque-dentata; intermedio denticulo breviori; dorso petalorum lineis tribus discoloribus percurso. Semina brevia crassa, densissimo villo cana! Pappus plumosus cano-rufus.

NOTA. Non est *Scorzonera graminifolia* Linnæi. Repugnat Descriptio Clariff. *Gmelini* pag. 4. Num. 3. minimè etiam Species fecunda ejusdem, licèt Icon prima atque Descriptio à Specie nostra omninò non abhorreant. Variat enim nostra; montosa etenim saxosaque loca humiliorem rigidiorè hirsutiorèque emittunt, cum floribus minoribus, cauleque ramofo statim à basi. Dum è contra campestria pascuaque duplo omnibus partibus majorem, caule simplicissimo pedali, flore etiam majori, producant, ut observavi in aliis Speciminibus circa *Latourdaigues* lectis, mecum à Clariff. *Vernier*, Medico Parisino, communicatis.

2. SCORZONERA, caule simplicissimo unifloro tomentoso, foliis subulatis acutis, calycibus cylindricis, pedunculis calycibusque lanatis, feminibus glabris. PINIFOLIA.

*Tragopogon pinifolium* hispanicum. *Barr.* Ic. 496. Bona.

Olim circa valenam fylvam, & in saxosis circa pagum *Miraval.* Nuper Anno 1770. in declivibus herbidis montis *Setii*, ex adverfo maris ad stagna reperi Junio cum flore ac semine permixtam cum *Tragop. crocifolio*, cui non absimilis prima fronte.

Radix, pro more congenerum, napiformis simplex. Caulis unicus vix palmaris, dense foliosus tomento albo tectus. Folia confertissima subulata acuta nervoso-striata, etiam tomentosa ad basin, cæterum glabra, vix lineam lata, angustiorave, uncias tres ac quatuor longa. Radicalia cæteris longiora, caulem summum (seu florem) attingunt; hinc flos è medio foliorum fasciculo haud rarò emersus apparet. Pedunculus brevis ergo, apice tumidus, lanatus. Corolla duplo major quàm in priore, magnitudine *Scorzoneræ hispanicæ*, sed paulò longior. Calyx cylindricus lanigerus, squamis latiusculis acuminatis; interioribus majoribus uncialibus fermè. Corolla sulphurea; petala apice dilatata, altè quinque-dentata; laminæ subtus amoenè purpureæ, violacæve; unguibus tamen penitus luteo-sulphureis. Semina glabra, non lanata; pappus albus.

NOTA. Hanc ex Descriptione *Linneana* olim pro varietate *Scorz. angustifoliæ* habui. *Hort. Monsp.* pag. 406. idque ex colore petalorum, ac caulis tomento. Diverfissima quidem ab omnibus, probè consentiente Clariff. *Hallero*, Edit. 2. pag. 6. Num. 11. Neque est *Scorz. angustifolia* *Tabernæm.* Ic. 602. seu *foliis nervosis.* *Bauh. pin.* 275., quæ mihi semper visa est *Scorz. humilis* varietas. *Fl. monsp.* 343. An verò ad nostram amandanda sit *Clusii* Icon? Descriptio satis probaret; petala enim purpurascencia tribuit *Clusius*; & ipsius Icon non repugnat (licèt caulis biflorus depingatur). Hinc esset *Scorz. angustifolia subcærulea.* *Bauh. pin.* 275. seu *Scorz. purpurea* *Linneæi.* Sed Icon *Gmelini* atque Descriptio alienam demonstrant (exceptis tomento calycis, & petalorum colore.).

3. SCORZONERA, caule diffuso lanato, foliis hastato-pinnatifidis, caulinis integerrimis linearibus, RESEDIFOLIA, calycibus tomentosis.

*Scorzonera* foliis obtusè dentatis, caule prostrato, calycibus apice tomentosis. *Lin.* Sp. 1113.

*Scorzonera* laciniatis foliis supina. *Barr.* Ic. 800. Pessima.

Prope pagum *St. Martin*, ultra pagum *S. Pauli de Fenouilhede* in arvis copiosè crescit. Circa urbem *Pnycerda*, & ad viam, quâ itur ad urbem *Livia*.

Radix perennis. Caulis à radice ramofus, lanatus, ad terram reclinatus, dein ascendens. Folia etiam lanata, pinnatifida, instar *Leont. autumnalis*, laciniis sursum versis, alternis, linearibus integerrimis. Rami alterni breves uniflori, apice tumidi, lanati; floriferi, minimi; fructiferi non rarò calvescentes. Corollæ luteæ. Semina glabra.

NOTA. Variat in horto; caule erectiore, ramofiore, ac omnibus partibus calvescente; foliis imis glabris majoribus, pinnatifido-erosis (facie *Scorz. picroidis*) laciniis aliis minoribus interjectis, aliis longioribus latioribusque, omnibus sursum spectantibus, ut in *Leont. autumnali*. Folia caulina alia angusta linearia integerrima; alia brevia, lata, dentata, amplexicaulia.

## PICRIS.

1. PICRIS, perianthiis laxis, caule piloso, foliis lanceolatis dentato-sinuatis. *Lin.* Sp. 1115. PYRENAICA.

In pyrenæis circa montem *Laurenti*. Facies omnino picridis *hieracifolia*. Radix constat naps plurimis, pro more hypoch. *radiatæ*. Caulis bipedalis erectus, læviter striatus, pilosus apice tantum ramofus; ramis nudis alternis unifloris sub-corymbosis. Folia ex utraque parte pilis exstantibus hispida; inferiora